

摘藻堂四庫全書薈要

集部

欽定四庫全書薈要

集部

御定全唐詩卷五百

六十九至
七十一

詳校官原任主事^臣李斯咏




欽定四庫全書薈要卷一萬七千九百七十四

集部

御定全唐詩卷五百六十九

李羣玉

新荷


八九葉散點綠池初嫩碧纔平水圓陰已蔽魚浮萍遮不合弱荇繞猶疎半在春波底芳心卷未舒

初月二首

灩灩流光淺娟娟汎露

一作霧

輕雲間龍爪落簾上玉鉤

明桂樹枝猶小仙人影未成欲為千里別倚幌獨含情
凝顰立戶前細魄向娟娟破鏡徒相問刀頭恐隔年輕
輕搖遠水脉脉下春烟別後春江上隨人何處圓

石瀦

緒一作

古岸陶為器高林盡一焚
燄紅湘浦口烟濁洞庭雲
迴野煤飛亂遙空爆響聞
地形穿鑿勢恐到祝融墳

雲安

灘惡黃牛吼城孤白帝秋水寒
巴字急歌迴竹枝愁樹

暗一作倚荆王館雲昏蜀客舟
瑤姬不可見行雨在高丘

石頭城

伯業隨流水寒蕪上古城
長空橫海色斷岸落潮聲
八

極悲

一作皆

扶柱五湖來

一作吾家永

止傾東南天子氣掃地

入函京

湖濶

一作閣

楚色籠青草秋風

一作光

洗洞庭夕霏生水寺初月盡

一作

落雲汀櫂響來空濶
漁歌發

一作去

杳冥欲浮闌下艇一

到斗牛星

失鶴

瑤臺烟霧外一去不迴

一作心

一作從昔

清

一作暗

海蓬

壺遠秋風碧落深墮翎留片雪雅操入孤琴豈

一作是不

籠中物雲蘿莫更

一作更莫尋

臘夜雪霽

一作霽雪

月彩交光開閣臨軒竟睡不得

命家

一作童

僕吹笙數曲獨引一壺奉寄江陵副

使杜中丞

月華臨霽雪皓彩射貂裘桂酒寒無醉銀笙凍不流懷
哉梁苑客思作剡溪遊竟夕吟瓊樹川途恨一作限阻修

長沙陪裴大夫登北樓

巖嶂隨高步琴尊奉勝遊金風吹綠簟湘一作湖水入朱

樓朗抱雲開月高情鶴見秋登臨多暇日非為賦消憂

登蒲澗寺後二巖三首

五仙騎五羊何代降茲鄉澗有堯年韭山餘禹日糧樓

臺籠海色草樹發一作美天香浩一作吟嘯一作笑波光一作烟波

裏浮溟興甚長

行盡崎嶇路驚從汗漫遊青天豁眼快

一作客

碧海醒心

秋便欲尋河漢因之犯斗牛九霄身自致

一作到

何必遇

一作問

浮丘

一作揚帆赴飛鳥一濟日邊舟

南溟吞越絕極望碧鴻濛龍渡潮聲裏雷喧雨氣中趙
佗丘壠滅馬援鼓聲空遐想魚鵬化開襟九萬風

早鴻

木落波浪動南飛聞夜鴻參差天漢霧嘹唳月明風野

水蓮莖折寒泥稻穗空無令一行侶相失五湖中

旅泊

搖落江天裏飄零倚客舟短篇纔遣悶小釀不供愁沙
雨潮痕細林風月影稠書空閒度日深擁破貂裘

半醉

處俗常如病看花亦似秋若無時復酒寧遣鎮長愁漸
覺身非我都迷蜨與周何煩五色藥尊下即丹

一作浮

丘

晝寐

一作寢

筠桂晚蕭疎任人嘲宰予鳥驚林下夢風展枕前書正
作莊生蝶誰知惠子魚人間無樂事直擬到華胥

晚蓮

露冷芳意盡稀疎空碧荷殘香隨暮雨枯蘂墮寒波楚
客罷奇服吳姬停一作倚權歌涉江無可寄幽恨竟如何

將之番禺留別湖南府幕

本乏烟霞一作雷志那隨鴛鴦遊一枝仍未定數粒欲何

求溟漲道途遠荆吳雲一作暮雪愁會登梅嶺翠南翥入

炎州

宵民

大雅無憂怨宵民有愛憎魯侯天不遇臧氏爾何能慘
慘心如虺營營舌似蠅誰於銷骨地一鑿玉壺冰

吾道

吾道成微哂時情付絕言鳳兮衰已盡犬也吠何繁輕
重憂衡曲妍媸慮鏡昏方忻耳目淨誰到翟公門

與三山人夜話

一作與濮陽夏侯
吳三山人夜話

靜談雲鶴

一作壑

趣高會兩三賢酒思彈琴夜茶芳向火

天兔裘堆膝暖鳩杖倚牀偏各厭池籠窄相看意浩然

春寒

撥火垂簾夕將暄向冷天悶斟壺酒暖愁聽雨聲眠處

世心悠

一作條

爾干時思

一作事

索然春光看已半明日又

藏烟

廣江驛餞筵留別

別筵欲盡秋一醉海西樓夜雨寒潮水孤鐙萬里舟酒

飛鷓鴣重歌送鷓鴣愁惆悵三年客難期此處遊

桑落洲

九江寒露夕微浪北風生浦嶼漁人火蒹葭鳧鴈聲
頽雲晦廬岳微鼓辨湓城遠憶天邊弟曾從此路行

杜門

且詠閑居賦飛翔去未能春風花嶼酒秋雨竹溪鐙
世路變陵谷時情驗友朋達生書一卷名利付春水

池州封員外郡齋雙鶴丹頂霜翎仙態浮曠罷

政之日因呈此章

瀟灑二白鶴對之高興清寒溪侶雲水朱閣伴琴笙顧
慕稻梁惠超遙江海情應攜帝鄉去仙闕看飛鳴

經費拾遺所居呈封員外

雲卧竟不起少微空隕光唯應孔北海為立鄭公鄉舊
館苔蘚合幽齋松菊荒空餘書帶草日日上階長

送秦鍊師

紫府靜沈沈松軒思別琴水流寧有意雲汎本無心錦

洞桃花遠青山竹葉深不因時賣藥何路更相尋

湘陰縣送遷客北歸

不須留意莎重遣世人疑瘴染面如藥愁熏頭似絲黃
梅住雨外青草過湖時今日開湯網冥飛亦未遲

九日陪崔大夫讌清河亭

玉醴浮金菊雲亭敞玳筵晴一作清山低畫浦斜雁遠書

天謝朓離都日殷公出守年不知瑤水讌誰和一作製白

雲篇

近見去年聖製黃菊聯句

送房處士閒遊

採一作藥陶貞白尋山許遠遊
刀圭藏妙用巖洞契冥

搜花月一作竹三江水琴尊一葉舟
羨君隨野鶴一作性長

揖稻梁愁

贈花

酒為看花醞花須趁酒紅
莫一作嗔令芳樹晚使我綠尊

空金谷園無主桃一作仙源路不通
縱非乘露折一作酒興長

短盡隨風

洞庭風雨二首

面南一片黑俄起北風顛浪潑巴陵樹雷燒鹿角田

在青

北草魚龍方簸蕩雲雨正喧闐想赭君山日秦皇怒赫然

巨浸吞湘一作沅澧西風忽怒號水將天共黑雲與浪爭

高羽化思乘鯉山漂欲一作長抃鰲陽烏猶曝翅真一作直

恐濕蟠桃

臨水薔薇

堪愛一作恨復堪傷無情不久長浪搖千臉笑一作淚風舞

一叢芳

一作身香

似濯文君錦如窺

一作啼

漢女妝所思雲雨

外何處寄馨香

中秋維舟君山看月二首

一本作長律一首

汗漫鋪澄碧朦朧吐玉盤
雨師清滓穢川后掃波瀾
氣射繚星滅光籠八表寒
來從雲漲迴路上碧霄寬

熠燿遊何處蟾蜍食漸殘
擢翻銀浪急林映白虹攢
練彩連河曉水暉壓樹乾
夜深高不動天下仰頭看

桂州經佳人故居琪樹

一本無琪樹二字

種樹人何在攀枝空歎嗟人無重見日樹有每年花滿

舊一作院雀一作蕉聲莫半庭春景一作色斜東風不知恨徧

地落餘霞

贈元紱

相逢在總角與子即同心隱石那知玉披沙始一作喜遇

金蘭秋香不死松晚翠方深各保芳堅性寧憂霜霰侵

中秋廣江驛示韋益

莫惜三更坐難消萬里情同看一片月俱在廣州城淚

逐金波滿魂隨夜鵲

一作鶴

驚支頤鄉思斷無語到雞鳴

九日越臺

旭日高山上秋天大海隅
黃花羅粬救絳實簇茱萸
病久歡情薄鄉遙客思孤
無心同落帽天際望歸途

中秋越臺看月

海雨洗塵

一作烟

埃月從碧空來水光籠草樹
練影挂樓

臺皓曜迷鯨目晶熒失蚌胎
宵分凭檻望應合見蓬萊

長沙開元寺昔與故長林許侍御題松竹

一作石

聯句

墻陰數行字懷舊慘傷情
薜荔侵年月莓苔壓姓名
逝川前後水浮世短長生
獨立秋風暮凝顰隔郢城

傷友

玉棺來九天鳧鳥掩窮泉
蕪沒池塘嶼一作興淒涼翰墨

筵短期存大夢舊好委浮烟
我有幽蘭曲因君遂絕弦
法性寺六祖戒壇

初地無階級餘基數尺低
天香開茉莉梵樹落菩提驚

警一作俗生真性青蓮出淤泥何人得心法衣鉢在曹溪

東湖二首

晚景微雨歇逍遙湖上亭波閑魚弄餌樹靜鳥遺翎性
野難依俗詩玄自入冥何由遂瀟灑高枕對雲汀

雨氣消殘暑蒼蒼月欲升林間風捲簾欄下水搖鐙迴
野垂銀鏡層巒挂玉繩重期浮小楫來摘半湖菱

湖閣曉晴寄呈從翁二首

嶺日開寒霧湖光蕩霽華風鳥搖逕
一作柳水蜨戀幽

花蜀國地西極吳門天一涯輕舟欄下去點點入湘霞
高秋憑遠檻萬里看新晴重霧披天急千雲觸石輕湖
山四五點湘雁兩三聲遙想潘園裏琴尊興轉清

同張明府遊漫

樓一作水亭

草色綠溪晚梅香生穀文雲天斂餘霽水木籠微曛垂
釣坐方一作芳嶼幽禽時一聞何當五柳下酌醴吟庭筠

七月十五夜看月

朦朧南溟月泓湧出雲濤下射長鯨眼遙分玉兔毫勢

金少日人
卷五頁六十九
來星斗動路越青冥高竟夕瞻光彩昂頭把白醪

北風

病髮乾垂枕臨風強起梳
蜨飛魂尚弱蟻鬪體猶虛
瘦骨呻吟後羸容几杖初
庭幽行藥靜涼暑

一作景

翠筠疎

遊玉芝觀

尋仙向玉清獨倚雪初晴
木落寒郊迴煙開疊嶂明
片雲盤鶴影孤磬雜松聲
且共探玄理歸途月未生

中秋夜南樓寄友人

海月出銀

一作白

浪湖光射高樓朗吟無淥酒賤價買清

秋氣冷魚龍寂輪高星漢幽他鄉此夜客對景

一作酌

餞

多愁

三月五日陪裴大夫汎長沙東湖

一作張又新詩

上已餘風景芳辰集遠坳綵舟浮滉蕩繡轂下娉婷林

榭回蔥蒨笙歌轉杳冥湖光迷翡翠草色醉蜻蜓鳥弄

桐花日魚翻穀雨萍從今留勝會誰肯

一作看

畫蘭亭

龜

靜養千年壽重泉自隱居不應隨跛鼈寧肯滯凡魚靈

腹唯玄露芳巢必翠藻揚花

一作光

輸蚌蛤弄月恨蟾蜍

曳尾辭泥後支牀得水初冠山期不小鑄印事寧虛有
志酬毛寶無心畏豫且他時清洛汭會薦帝堯書

長沙春望寄洛陽故人

清明別

一作前

後雨晴時極浦空顰一望眉湖畔春山烟

黯黯

一作點點

雲中遠樹黑

一作墨

離離依微水戍聞疎鼓掩

映河橋見酒旗風暖草長愁自

一作似

醉行吟無處寄相

思

金塘路中

山連

一作川

楚越復吳秦蓬梗何年是住身黃葉黃花古

城路秋風秋雨別家人冰霜想

一作怯

度商於

一作村

凍桂

玉愁居帝里貧十口繫心拋不得每回回首即長顰

自遣

翻覆升沈百歲中前途一半已成空浮生暫寄夢中夢
世事如聞風裏風修竹萬竿資閭寂

一作灑落

古書千卷要

窮通一壺濁酒暄和景誰會陶然失馬翁

送于少監自廣州還紫邏

鳴臯

一作高

山水似麻源謝監東還憶故

一作舊

園海嶠烟

霞輕

一作輸

逸翰洛川花木待回軒宦情薄去詩千首世

事閒來酒一尊明日中書見顏范

一作範

始

一作如

應通籍

入金門

石門韋明府為致東陽潭石鯽

一作魚

鱸

錦鱗銜餌

一作釣

出清漣暖日江亭動鱸筵疊雪亂飛消

箸底散絲繁灑拂刀前太湖浪說朱衣鮒漢浦休誇縮
項編雋味品流知第一更勞霜橘助芳鮮

規公業在淨名得甚深義僕近獲顧長康月宮
真影對戴安道所畫文殊走筆此篇以屈瞻禮
五濁之世塵冥冥達觀棲心於此經但用須彌藏芥子
安知牛跡笑東溟生公吐辯真無敵顧氏傳神實有靈
今日淨開方丈室一飛白足到茅亭

玉真觀

高情帝女慕乘鸞紺髮初簪玉葉冠

公主玉葉冠時人莫計其價

秋

月無雲生碧落素蕖寒

一作舍

露出清瀾層城煙霧將歸

遠浮世塵埃久住

一作駐

難一自

一作日

簫聲飛去後洞宮

深掩

一作洞深空探

碧瑤壇

辱綿州于中丞書信

一緘垂露到雲林中有孫陽念驥心萬木自凋山不動

百川皆

一作空

旱海

一作水

長深風標想見瑤臺鶴詩韻如

聞淥水琴他日縱陪池上酌已應難到暝猿吟

渴疾漸加酒戶

減日

送崔使君蕭山禱雨甘澤遽降

謝公一拜敬亭祠
五馬旋歸下散絲
不假土龍呈天矯
自然石燕起參差
預聽禾稼如雲語
應有空濛似霧時

一作
已向為霖報消息
潁川徵詔是前期

重經巴丘追感

開成初陪故員外
從翁詩酒遊之

昔年高接李膺歡
日汎仙舟醉碧瀾
詩句亂隨青草發

一作
酒腸俱逐洞庭寬
浮生聚散雲相似
往事微茫一作

真夢一般今日片帆城下去一作過秋風回首淚闌干

湘陰江亭却寄友人

湘岸初晴淑景遲風光正是客愁時幽花暮落騷人浦
芳草春深帝子祠往事隔年如過夢舊遊回首謾勞一作

追思烟波自此扁舟去小酌文園一作酌香未期

酒聯文

哭郴州王使君

銀章朱紱照雲驄六換魚書惠化崇瑤樹忽傾滄海裏

一作蒼醉鄉翻在夜臺中東山妓逐飛花散北海尊隨

栢下

逝水空曾是綺羅筵上客
一來長慟向春風

九日巴丘楊公臺上讌集

一本無上字

淒淒霜日上高臺
水國秋深客思哀
萬疊銀山寒浪起
一行斜字早鴻來
誰家擣練孤城暮
何處題衣遠
去一作信回江漢路
長身不定菊花三
笑旅萍開

奉和張舍人送秦鍊師歸岑公山

仙翁歸臥翠微岑
一夜

一作葉

西風月峽深松逕

一作澗

定

知芳草合玉書
應念素塵侵閑雲
不繫東西影
野鶴寧

知一作傷去住心蘭浦蒼蒼春欲暮落花流水怨一作思離

琴一作襟

送陶少府赴選

陶君官興本蕭疎長傍青山碧水居久向三茅窮藝術
仍傳五柳舊琴書迹同飛鳥棲高樹心似閒雲在太虛
自是葛洪求藥價不關梅福戀簪裾

寄張祐

祐亦未面類
寄聲相聞

越水吳山任興行五湖雲月挂高情不遊都邑稱平子

只向江東作步兵昔歲芳聲到童稚老來一作佳句徧

公卿如

一作知

君氣力波瀾地留取陰何沈范名

寄長沙許侍御

三一作二

年文會許追隨和徧南朝

一作江南

雜體詩未把

一作

以彩毫還郭璞乞留殘錦與丘遲竹齋琴酒歡成夢水

寺烟霞賞

一作相

對誰今日秋風滿湘浦祇應

一作只今

搔首

詠瓊枝

望月懷友

一作寄人

浮雲卷盡看

一作月

瞳朧直出滄溟上碧空盈手水

一作水

光寒不濕流天素彩

一作影

靜無風酒花蕩漾金尊裏權

影飄颻玉浪中川路正長難可越美人千里思何窮

和吳中丞悼笙妓

麗質仙姿煙逐風鳳皇聲斷吹臺

一作樓

空多情草色怨

還綠無主杏花春自紅墮珥尚存芳樹下餘香漸減

一作

滅玉堂中唯應去抱雲和管從此長歸阿母宮

薛侍御處乞鞞

越客南來誇桂麋良工用意巧縫成看時共說茱萸皺
著處嫌無鸚鵡鳴百里奚身悲甚似五羊皮價敢全輕
日於文苑陪高步贏得芳塵接武名

九子坡

一作坂

聞鷓鴣

落照蒼茫秋草明鷓鴣啼處遠人行正穿詰

一作屈

曲崎

嶇路更聽鉤輞格磔聲曾泊桂江深岸雨亦于梅嶺阻
歸程此時為爾腸千斷乞放

一作定是

今宵白髮生

涼公從叔春祭廣利王廟

龍驤伐鼓下長川直濟雲濤古廟前海客斂威驚火旆
天吳收浪避樓船陰靈向一作迴作南溟主祀典高齊五
岳肩從此華夷封域靜潛熏玉燭奉堯年

長沙紫極宮雨夜愁坐

獨坐高齋寒擁衾洞宮臺殿宵沈沈春鐙含思靜相伴
夜雨滴愁更向深窮達未知他日事是非皆到此時心
羈棲推一作催剪平生志抱膝時為梁甫吟

送人隱居

一作盧逸
人隱居

碁局茅亭幽澗濱竹寒江靜遠無人邨梅尚斂風前笑
沙草初偷雪後春鵬鷃喻中消日月滄浪歌裏放心神
平生自有烟霞志久欲拋身狎隱淪

江樓閒望懷關中

一作內親故

一作知

搖落江天欲盡秋遠鴻高送一行愁音書寂絕秦雲外
身世蹉跎楚水頭年貌暗隨黃葉去時情深付碧波流
風淒日冷江湖

一作湘光

晚駐目空寒獨倚樓

請告南歸留別同館

中元作

一點燈前獨坐身西風初動帝城砧不勝庾信鄉關思
遂作陶潛歸去吟書閣乍離情黯黯彤庭迴望肅沈沈
應憐一別瀛洲侶萬里單飛雲外深

仙明洲口號

長愛沙洲水竹居暮江春樹綠陰初浪翻新月金波淺
風損輕雲玉葉疎半浦夜歌聞盪槩一星幽火照叉魚
二年此處尋佳句景物常輸楚客書

送蕭十二校書赴郢州婚姻

蓬萊

一作山

才子即蕭郎綵服青書

一作春

卜鳳皇玉珮定

催紅粉色錦衾應惹翠雲

一作芸

香馬穿暮雨荆山遠人

宿寒鎧郢夢長領取和鳴好風景

古樂府有鳳兮歸故鄉

石城花

月送歸鄉

送隱者歸羅浮

春山

一作天

杳杳日遲遲路入雲峰白犬隨兩卷

一作囊

素

書留貰酒一柯樵斧坐看棋蓬萊道士飛霞履

一作札

清

遠仙人寄好詩自此塵寰音信斷山川風月永相思

獻王中丞

時有除拜

登仙望絕李膺舟從此青蠅點點遂稠半夜劍

憤一作

吹牛

斗動二年門掩雀羅愁張儀會展平生舌韓信那慙胯
下羞他日圖勲畫麟閣定呈肝膽始應休

哭小女癡

一作兒

平生未省夢熊羆稚女如花墜

一作墮

曉枝條蔓縱橫輸

葛藟子孫蕃育羨螽斯方同王衍鍾情切猶念商瞿有

慶遲負爾五年恩愛淚眼中惟有涸泉知

一作眼中惟涸更無知

醉後贈馮姬

黃昏歌舞促瓊筵銀燭臺西見小蓮二寸橫波回慢水
一雙纖手語香弦桂形淺拂梁家黛瓜字初分碧玉年
願託襄王雲雨夢陽臺今夜降神仙

廣州陪涼公從叔越臺讌集

一逕松梢踏石梯步窮身在白雲西日銜赤浪金車沒
天拂滄波翠幕一作低高鳥散一作飛驚大旆長風萬
里卷秋輦玉鉤挂海笙歌合珠履三千半似泥

留別馬使君

俱來海上歎烟波君佩銀魚我觸羅蜀

一作涇

國才微甘

放蕩專城年少豈蹉跎應憐旅夢千重思共愴離心一
曲歌唯有管弦知客意分明吹出感恩多

將欲南行陪崔八讌海榴亭

朝讌華堂暮未休幾人偏得謝公留風傳鼓角霜侵戟
雲卷笙歌月上樓賓館盡開徐孺榻客帆空戀李膺舟
謾誇書劍無歸處水遠山長步步愁

湖寺清明夜遣懷

柳暗花香愁不眠，獨凭危檻思凄然。
野雲將雨渡微月，沙鳥帶聲飛遠天。
久向飢寒拋弟妹，每因時節憶團圓。
飴食冷酒明年在，未定萍蓬何處邊。

九日

年年羞見菊花開，十度悲秋上楚臺。
半嶺殘陽銜樹落，一行斜雁向人來。
行雲永絕襄王夢，野水偏傷宋玉懷。

一作
才 絲管闌珊歸客盡，黃昏獨自詠詩迴。

同鄭相并歌姬小飲戲贈

一作杜丞相
筵中贈美人
悵

裙拖六幅湘江水鬢聳巫山一段

一作千朵

雲風格

一作貌態

只

應天上有歌聲豈合世間聞胸前瑞雪銜斜照眼底桃

花酒半醺不是相如憐賦客爭

一作育

教容易見文君

秣陵懷古

野花黃葉舊吳宮六代豪華燭散風龍虎勢衰佳氣歇

鳳皇名在故臺空市朝遷變秋蕪綠墳塚

一作壠

高低落

照紅霸業鼎圖人去盡獨來惆悵水雲中

黃陵廟

小姑

一作孤
一作表

洲北浦雲邊二女容華

一作啼粧
一作明粧

自

一作共
一作

儼然野廟向江春寂寂古碑無字草芊芊風迴日

一作東風

近暮吹芳芷月落

一作落日

山深哭杜鵑猶似含顰望巡狩

九疑愁斷

一作如黛
一作愁絕

隔湘川

送唐侍御福建省兄

桂枝攀盡賈家

一作賢

才霄漢春風棗萼開世掌

一作事
一作綸

言傳大筆官分鴻序壓霜臺閩山翠卉迎飛旆越水清

紋散落梅到日池塘春草綠謝公應夢惠

一作阿連來

送秦鍊師歸岑公山

紫泥飛詔下金鑾列象分明世仰觀北省諫書藏舊草
南宮郎署握新蘭春歸鳳沼恩波暖曉入鴛行瑞氣寒
偏是此生棲息者滿衣零淚一時乾

潯陽觀水

朝宗漢水接陽臺哈呀填坑吼作雷莫見九江平穩去
還從三峽嶮巖來南經夢澤寬浮日西出岷山劣泛盃

直至滄溟涵貯盡深沈不動浸昭回

謫仙吟贈趙道士

汗漫東遊黃鶴雛縉雲仙子住清都三元麟鳳推高座
六甲風雷閔小壺日月暗資靈壽藥山河直擬一作常值化
生符若為失意居蓬島鼇足塵飛桑樹枯

長沙陪裴大夫夜讌

東山夜讌酒成河銀燭熒煌照綺羅四面雨聲籠笑語
滿堂香氣泛笙歌泠泠玉漏初三滴濼濼金觴已半醅

共向柏臺窺雅量澄波萬頃見天和

寶劍

雷煥豐城掘劍池年深事遠跡依稀泥沙難掩衝天氣
風雨終思發匣時夜電尚搖池底影秋蓮空吐鏑邊輝
自從星坼中台後化作雙龍去不歸

人日梅花病中作

去年今日湘南

一作西

寺獨把寒梅愁斷腸今年此日江

邊宅臥見瓊枝低壓牆半落半開臨野岸團情團思醉

韶光玉鱗寂寂飛斜月素豔亭亭對一作帶夕陽已被兒

童苦攀折更遭風雨一作雪損馨香洛陽桃李漸撩亂回

首行宮春景長

御定全唐詩卷五百六十九

欽定四庫全書薈要卷一萬七千九百七十五

集部

御定全唐詩卷五百七十

李羣玉

靜夜相思

山空天籟寂水榭延輕

一作清

涼浪定一浦月藕花閑自

香

桂州經佳人故居

桂水依舊綠佳人本

一作今

不還祇應隨暮雨飛入九疑

山

放魚

早覓為龍去江湖莫漫一作浪遊須知香餌下觸口是銜

釣

蓮葉

根是泥中玉心承露下珠在君塘下一作上種埋沒任春

蒲

客愁二首

客愁看柳色日日逐春深蕩漾

一作浩蕩

春風起誰知歷亂

心

客愁看柳色日日逐春長憑送湘流水綿綿入帝鄉

洞庭乾二首

借問蓬萊水誰逢清淺年傷心雲夢澤歲歲作桑田

朱宮紫貝闕一旦作沙洲八月還平在魚蝦不用愁

病起別主人

益媿千金少情將一飯殊恨無泉客淚盡泣感恩珠

火爐前坐

孤燈照不寐風雨滿西林多少關心事書一作畫灰到夜

深

古詞

一合相思淚臨江灑素秋碧波如會意却與向西流

嘲賣藥翁

斲盡春山土辛勤賣藥翁莫拋破笠子留作一作販天

公

傷小女癡一作兒

疑

兒

哭爾春日短支頤長歎嗟不如半死樹猶吐一枝

一作半邊

花

青鷁

獨立蒹葭雨低飛浦嶼風須知毛色下

一作異

莫入鷺鷥

叢

池塘晚景

風荷珠露傾驚起睡鷓鴣月落池塘靜金刀剪一聲

投從叔

可惜出羣蹄毛焦久卧泥孫陽如不顧騏驥向誰嘶
惱自澄

常聞天女會玉指散天花莫遣春風裏紅芳點袈裟
讀賈誼傳

早濕長沙地空拋出世才已齊生死理服烏莫為災
寄人

寄語雙蓮子須知用意深莫嫌一點苦便擬棄蓮心

寄韋秀才

荆臺蘭渚客寥落共含情
空館相思夜孤燈照雨聲

春日寄友

一作春日南臺
初晴望寄友

晴氣薰櫻蘂丰濛雪滿林
請君三斗酒醉臥白羅岑

題竹

一頃含秋綠森

一作春

風十萬竿氣吹朱夏轉
聲掃碧霄

寒

懷初公

不見休上人空傷碧雲思何處開寶書秋風海光寺

龍安寺佳人阿最歌八首

團團明月面冉冉柳枝腰未入鴛鴦被心長似火燒
見面知何益聞名憶轉深拳攣荷葉子未得展蓮心
欲摘不得摘如看波上花若教親玉樹情願作蒹葭

門路穿茶焙

一作
竈

房門映竹煙會須隨鹿女乞火到窗

前

不是求心印都緣愛綠珠何須同泰寺然後始為奴

既為金界客任改淨人名願掃琉璃地燒香過一生
素腕撩金索輕紅約翠紗不如欄下水終日見桃花
第一龍宮女相憐是阿誰好魚輸獺盡一作白鷺鎮長
飢

野鴨

鷓鴣借毛衣喧呼鷹隼稀雲披菱藻地任汝作羣飛

題二妃廟

黃陵廟前春已空子規啼血滴松風不知精爽歸何處

疑是行雲秋色中

寄友二首

野水晴山雪後時獨行邨落

一作路

更相思無因一向溪

頭

一作橋

醉處處寒梅映酒旗

花落輕寒酒熟遲醉眠不及落花期愁人相

一作想

憶春

山暮烟樹蒼蒼播

一作撥

穀時

桃源

我到瞿真

一作童

上升處山川四

一作西

望使人愁紫雲白

鶴去不返唯有桃花

一作源溪水

題王侍御宅

門向滄江碧岫開地多鷗鷺少塵埃綠陰十里灘聲裏

閒自

一作去一作即

王家看竹來

聞湘南從叔朝覲

長沙地窄卻回時舟楫駸駸向鳳池為報湘川神女道
莫教雲雨濕旌旗

漢陽太白樓

江上層

一作晴

樓翠靄間滿簾春水滿窓山青楓綠草將

愁去遠入吳雲暝不還

送客

沅水羅文海燕回柳條牽恨到荆臺定知行路春愁裏
故郢城邊見落梅

醴陵道中

別酒離亭十里強半醒半醉引愁長無端

一作人

一作

寂寂春

山路雪打溪梅狼籍香

校書叔遺暑服

翠雲

一作芸

箱裏疊櫛櫛

一作櫛

櫛櫛

楚葛湘紗淨似空便著清

江明月夜輕涼與挂

致一作

挂

一身風

贈魏三十七

名珪字玉淨無瑕美譽芳聲有數車莫放燄光高二丈
來年燒殺杏園花

酬崔表仁

一作

臣

昨日朱門一見君忽驚野鶴在雞羣不應長啄潢汙水

早晚歸飛碧落雲

旅遊番禺獻涼公

帝鄉羣侶杳難尋獨立滄洲歲暮心野鶴棲飛

一作飛棲

無

遠近稻梁多處是

一作恩深

長沙元門寺張璪員外壁畫

片石長松倚素楹
條然雲壑見高情
世人只愛凡花鳥
無處不知梁廣名

請告出春明門

一本無請告二字

本不將心挂名利亦無情意在樊籠鹿裘藜杖且歸去
富貴榮華春夢中

引水行

一條寒玉走秋泉引出深蘿洞口烟十里暗流聲不斷
行人頭上過潺湲

移松竹

龍髯鳳尾亂飈一作飈帶霧停風一畝秋待取滿庭蒼

翠合酒尊書案閉門休

歎靈鷲寺山榴

水蝶巖蜂俱不知
露紅凝豔數千枝
山深春晚無人賞
即是杜鵑催落時

黃陵廟

一作李遠詩

黃陵廟前莎草春
黃陵女兒茜裙新
輕舟短一作小櫂一作

檝

一作隨

歌去水遠山長
愁殺人

北亭

斜雨飛絲織曉空
疎簾半捲野亭風
荷花向盡秋光晚

零落殘紅綠沼中

送客往潯陽

春與春愁逐日長
遠入天畔遠思鄉
蘋生水綠不歸去
孤負東溪七里莊

寄友人鹿胎冠子

數一作散點疎星紫錦班
仙家新樣剪三山
宜與謝公松

下戴淨簪雲髮翠
微間

江南

鱗鱗別浦起微波
汎汎輕舟桃葉歌
斜雪北風何處宿
江南一路酒旗多

答友人寄新茗

滿火芳香碾麴塵
吳甌湘水綠花新
媿君千里分滋味
寄與春風酒渴人

峽山寺上方

滿院泉聲水一作山殿涼
疎一作殿簾微雨野松香
東峰下

視南溟月笑踏金波看海光

秋登涪陽城

一作樓

二首

萬戶砧聲水國秋涼風吹起故鄉愁行人望遠偏傷思
白浪青楓滿北樓

穿針樓上閉秋烟織女佳期又隔年斜笛

一作漢

夜深吹

不落一條銀漢

一作浪

挂秋天

釣魚

七尺青竿一丈絲菰蒲

一作蔣

葉裏逐風吹幾回舉手拋

芳餌驚起沙灘水鴨兒

酬魏三十七

靜裏

一作
裏

寒香觸思初開絨忽見二瓊琚一吟麗句風

流極沒得弘文李校書

贈琵琶妓

我見鴛鴦飛水上君還望月苦相思
一雙裙帶同心結
早寄黃鸝孤鴈兒

落帆後賦得二絕

平湖茫茫春日落危檣獨映沙洲泊
上岸閒尋細草行

古查飛起黃金鷄

水浮秋煙沙曉雪皎潔無風鎗影徹

一作影
澄澈

海客雲帆

未挂時相與緣江拾明月

贈人

曾留宋玉舊衣裳惹得巫山夢裏香
雲雨無情難管領
任他別嫁楚襄王

贈妓人

誰家少女字千金省向人間逐

一作觸

處尋今日分明花

裏見一雙紅臉動春心

山榴

洞中春氣蒙籠暄尚有紅英千樹繁
可憐夾水錦步障
羞數石家金谷園

鷓鴣

錦羽相呼暮沙曲波上雙聲憂
哀玉霞明川靜極望中
一時飛滅青山綠

沅江漁者

倚櫂汀洲沙日晚江鮮野菜桃花飯長歌一曲烟靄深
歸去滄江浪一作綠波遠

題金山寺石堂

白波四面照樓臺日夜潮聲繞寺迴千葉紅蓮高會處
幾曾龍女獻珠來

戲贈魏十四

蘭浦秋來烟雨深幾多情思在琴心知音調得東家子
早晚和鳴入錦衾

和人贈別

嘖黛低紅別怨多深亭

一作停

芳恨滿橫波聲中唱出纏

綿意淚落鐙前一曲歌

宿巫山廟二首

寂寞高堂別楚君玉人天上逐行雲停舟十二峰巒下
幽佩仙香半夜聞

廟閉春山曉月光波聲四合樹蒼蒼自從一別襄王夢
雲雨空飛巫峽長

傷柘枝妓

曾見雙鸞舞鏡中
聯飛接影對春風
今來獨在花筵散

一作
上 月滿秋天一半空

題櫻桃

春初攜酒北花間
幾度臨風倒玉山
今日葉深一作聲黃

滿樹再來惆悵不能攀

惱從兄

芳草萋萋新燕飛
芷汀南望鴈書稀
武陵洞裏尋春客

已被桃花迷不歸

紫極宮齋後

紫府空歌碧落寒
曉星寥亮月光殘
一羣白鶴高飛上

一作唯有松風吹石壇

春晚

思鄉之客客凝頻
一作天邊欲盡未盡春
獨攀江樹深

不語芳草落花愁
殺人

喜渾吉見訪

公子春衫桂水香，遠衝飛一作霏雪過書堂。
貧家冷落難消日，唯有松筠滿院涼。

索曲送酒

簾外春風正落梅，須求狂藥解愁回。
煩君玉指輕攏撚，慢撥鴛鴦送一椀。

山驛梅花

生在幽崖獨無主，溪蘿澗鳥為儔侶。
行人陌上不留情，愁香空謝深山雨。

重陽日上渚宮楊尚書

落帽臺邊菊半黃
行人惆悵對重陽
荊州一見桓宣武
為趁悲秋入帝鄉

書院二小松

一雙幽色出凡塵
數粒秋烟二尺鱗
從此靜聽聞細韻
琴聲長伴讀書人

勸人廬山讀書

憐君少雋利如鋒
氣爽神清刻骨聰
片玉若磨唯轉瑩

莫辭雲水入廬峰

言懷

白鶴高飛不逐羣
嵇康琴酒鮑昭文
此身未有棲歸處
天下人一作間一片雲

聞笛

冉冉生山草何異
截而吹之動天地
望鄉臺上望鄉時
不獨落梅兼落淚

曉燕

一作
粧

金波西傾銀漢落綠樹含烟倚朱閣曉華朧朧

一作朧朧

聞

調笙一點殘燈隔羅幕

將遊荊州投魏中丞

貧埋病壓老巔岬拂拭菱花不喜看又恐無人肯青眼
事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚春雨微
却斂寒香抱瑤萼

題龍潭西齋

寂寞幽齋暝烟起滿徑西風落松子遠公一去兜率宮

唯有面

一作門

前虎溪水

中秋寄南海梁侍御

一本無梁字

海靜天高景氣殊鯨睛失彩蚌潛珠不知今夜越臺上
望見瀛洲方丈無

戲贈姬人

一本此下有賦尖字韻四字
一作張祐與杜牧聯句詩

骰子巡拋裏手拈無因得見玉纖纖但知謔道金釵落

圖向人前露指尖

大庾山嶺別友人

篋管無子鴛鴦飢毛彩凋摧不得歸誰念火雲千嶂裏
低身猶傍鷓鴣飛

石門戍

到此空思吳隱之潮痕草蔓上幽碑人來皆望珠璣去
誰詠貪泉四句詩

文殊院避暑

赤日黃埃滿世間
松聲入耳即心閒
願尋五百仙人去
一世清涼住雪山

南莊春晚二首

連雲草映一條陂
瀾瀾雙雙帶水飛
南邨小路桃花落
細雨斜風獨自歸

草暖沙長望去舟
微茫烟浪向巴丘
沅江一作湘寂寂春
歸盡水綠蘋香人自愁

湘妃廟

少將風月怨平湖見盡扶桑水到枯
相約杏花壇上去
畫欄紅紫鬪擗菹

御定全唐詩卷五百七十

欽定四庫全書蒼要卷一萬七千九百七十六

集部

御定全唐詩卷五百七十一

賈島

賈島字浪

一作閻

仙范陽人初爲浮屠名無本來東都時

洛陽令禁僧午後不得出島爲詩自傷韓愈憐之因教其爲文遂去浮屠舉進士詩思入僻當其苦吟雖逢公卿貴人不之覺也累舉不中第文宗時坐飛謗貶長江主簿會昌初以普州司倉參軍遷司戶未受命卒有長

江集十卷小集三卷今編詩四卷

古意

碌碌復碌碌百年雙轉轂志士終一作中夜心良馬白日

足俱爲不等間誰是知音一作者目眼中兩行淚曾弔三

獻玉

一作別來兩淚
盡誰向荆山哭

望山

南山三十里不見踰一旬冒雨時立望望之如朋親虬
龍一掬波洗蕩千萬春日雨不斷愁殺望山人天事

不可長勁風來如奔陰靈

一作靈

一以掃浩翠寫國門長

安百萬家家張屏新誰家最好山我願爲其鄰

北嶽廟

天地有五嶽恒嶽居其北巖巒疊萬重詭怪浩難測人
來不敢入祠宇白日黑有時起霖雨一灑天地德神兮
安在哉永康我王國

朝飢

市中有樵山此

一作北

舍朝無煙井底有甘泉釜中乃空

然我要見白日雪來塞青天坐

立一作

聞西牀琴凍折兩

三弦飢莫詣他門古人有拙言

哭盧仝

賢人無官死不親者亦悲空令古鬼哭更得新鄰比平
生四十年惟著白布衣天子未辟召地府誰來追長安
有交友託孤遽棄移塚側誌石短文字行參差無錢買
松栽自生蒿草枝在日贈我文淚流把讀時從茲加敬
重深藏恐失遺

劍客

一作述劍

十年磨一劍霜刃未曾試今日把似

一作示一作事

君誰爲

一作

有不平事

口號

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及

一作若

相結

踈踈別恨應少密離

一作別

恨難祛門前南流

一作去

水中

有北飛魚魚飛向北海可以寄遠書

一本無此句多此情復何如欲剪衣

上襟裁作寄遠書三句

不惜寄遠書故人今在無

一作華山岩巖形逸望齊平蕪

況此數尺身阻彼萬里途自非日月光難以知子軀

齋中

耽靜非謬

一作偽

爲本性實疎索齋中一就枕不覺白日

落低扉礙軒轡寡德謝接

一作然

諾叢菊在墻陰秋窮未

開萼所餐

一作食

類病馬動影似移嶽欲駐迫逃衰豈殊

辭綆縛已見飽時雨應豐蔬與藥

感秋

商氣颯已來歲華又虛擲朝雲藏奇峰暮雨灑疎滴幾

蛩

一作
番飛

涼葉數蛩思陰壁落日空館中歸心遠山碧

昔人多秋感今人何異昔四序馳百年玄髮坐成白喧
喧徇聲利擾擾同轍迹儻無世上懷去偃松下石

翫月

寒月破東北賈生立西南西南立倚何立倚青青杉近
月有數星星名未詳諳但愛杉倚月我倚杉爲三月乃

不上杉上杉難相參
眊眊子細視睛瞳
桂枝剗日常有

熱疾久視無煩炎
以手捫衣裳零露已濡霑
久立雙足

凍時向股胼淹
立久病足折兀然
竊膠粘他人應已睡

轉喜此景恬此景亦胡及
而我苦淫耽無異市井人見

金不知廉不知此夜中
幾人同無厭待得上頂
一作頂上看

未擬歸枕函強步望寢齋
步步情不堪步到竹叢西東

望如隔簾却坐竹叢外
清思刮幽潛量知愛月人身願

化爲蟾

辭二知己

一雙千歲鶴立別孤翔鴻波鳥忽已暮海雨寒濛濛離
人聞美彈亦與哀彈同况茲切切弄繞彼行行躬雲飛
北嶽碧火息一作思西山紅何以代遠誠折芳臘雪中

義雀行和朱評事

玄鳥雄雌俱春雷驚蟄餘口銜黃河泥空一作去即翔天

隅一夕皆莫歸曉曉遺衆雛雙雀抱仁義哺食勞劬一作

志劬雛既遷迤

一作衆雛既僣

飛雲間聲相呼燕雀雖微類感

媿誠不殊

一作燕感崔深
思雀媿揚不殊

禽賢難自彰幸得主人書

宿懸泉驛

曉行瀝水樓暮到懸泉驛
林月值雲遮山燈照愁寂

辯士

辯士多毀訾不聞談
已非猛虎恣殺暴未嘗齧妻兒此

理天所感

一作感

所感當問誰求食飼雛禽吐出美言詞

善哉君子人揚光掩瑕玼

不欺

上不欺星辰下不欺鬼神知心兩如此然後何所陳
食魚味在鮮食蓼味在辛掘井須到流結交須到頭
此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步
暗室未可居碧霄未可趨勸君跨仙鶴一作竹日下雲爲衢

遊仙

借得孤鶴騎高近金烏飛掬河洗老

一作古

貌照月生光輝

天中鶴路直天盡鶴一息歸來不騎鶴身自有羽翼若

人無仙骨芝朮徒

一作無

煩食

枕上吟

夜長憶白日枕上吟千詩何當苦寒氣忽被東風吹冰
開魚龍別天波殊路岐

雙魚謠

時韓職方書中以
五常州簡詩見示

天河隨雙魴飛我

一作來

庭中央掌握尺餘雪劈開腸有

璜見令饒舌短烹遶鄰舍香一得古詩字與玉含異藏

易水懷古

荆卿重虛死節烈書前史我歎方寸心誰論一時事至

今易水橋寒風分蕭蕭易水流得盡荆卿名不消

一作凋

早起

北客入西京

一作涼

北鴈再離北秋寢獨前興天梭星落

織耽翫餘恬爽顧盼輕痾力旅途少顏盡明鏡勸仙食

出門路縱橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸未
歸長嗟愁嗟愁填中懷開口吐愁聲還却入耳來常恐
淚滴一作滴多自損兩目輝鬢邊雖有絲不堪織寒衣

延壽里精舍寓居

旅託避華館荒樓遂愚慵短庭無繁植珍果春亦濃側
廬廢一作發高樞織魄時臥逢耳目乃鄜井肺肝即巖峰

汲泉飲酌餘見我閑靜容霜蹊猶舒英寒蝶斷來踪雙
履與誰逐一一作尋青瘦筇

贈智朗禪師

上人分明見玉兔潭底没上人光慘貌古來恨峭發涕
辭孔顏廟笑訪禪寂室步隨青山影坐學白塔骨解聽
無弄琴不禮有身佛欲問師何之忽與我相別率賦贈
遠言言慙非子曰

送沈秀才下第東歸

曲言惡者誰悅耳如彈絲直言好者誰刺耳如長錐沈
生才俊秀心腸無邪欺君子忌苟合擇交如求師毀出
疾夫口騰入禮部闈下第子不恥遺才人恥之東歸家
室遠掉轡時參差浙雲近吳見汴柳接楚垂明年春光
別回首不復疑

酬棲上人

夜久城館閒情幽出

一作只

在山新月有微輝朗

一作亦

朗

空庭間處世雖

一作不

識機伊余多掩關松姿度臘見籬

藥知春還靜覽冰雪詞厚爲酬贈顏東林有躑躅脫屣
期共攀

冬月長安雨中見終南雪

秋節新已盡雨

一作林

踈露山雪西峰稍覺明殘滴猶未

絕氣侵瀑布水

一作冰

凍著白雲穴今朝灑漉鴈何夕瀟

湘月想彼石房人對雪扉不閉

必結切

寄孟協律

我有弔古泣不泣向路岐揮淚灑暮天滴著

一作每滴

桂樹

枝別後冬節至離心北風吹坐孤雪扉夕

一作久

泉落石

橋時不驚猛虎嘯難辱君子詞欲酬空覺老無以堪遠

持峇堯倚角窗

一作窗角

王屋懸清思

和劉涵

京官始云滿野人依舊閒閉扉一畝居中有古風還市

井日已午幽窗夢南山喬木覆北齋有鳥鳴其間前日

遠嶽僧來時與開闢新題驚我瘦窺鏡見醜顏陶情惜

清澹此意復

一作共

誰

一作羣

攀

明月山懷獨孤崇魚琢

明月長在目明月長在心
心復在目何得稀去尋試

望明月人孟夏樹蔽岑
想彼嘆此懷樂喧忘幽林

一作森

鄉本北嶽外悔

一作每

恨東夷深願縮地脈
還豈待天恩

臨非不渴隱秀

一作季

却嫌他事侵或云岳樓鐘來繞草

堂吟當從令尹後
再往步柏林

投張太祝

風骨高更老向春初陽葩
冷冷月下韻一一落海涯有

子不敢和一聽千嘆嗟身臥東北泥魂挂西南霞手把
一枝粟往輕覺程賒水天朔方色暖日嵩根花達一作
閒幽棲山遣尋種藥家欲買雙瓊瑤慙無一木瓜

詠韓氏二子

千巖一尺壁八月十五夕清露墮桂花白鳥舞虛碧

送別

丈夫未得意

一作志

行行且低首素琴彈復彈會有知音

知

攜新文詣張籍韓愈途中成

袖有新成詩欲見張韓老青竹未生翼一步萬里道仰
望青冥天雲雪壓我腦失却終南山惆悵滿懷抱安得
西北風身願變蓬草地祇聞此語突出驚我倒

上谷送客遊江湖

莫歎迢遰分何殊咫尺別江樓到夜登還見南臺月

重酬姚少府

隙月斜枕旁諷詠夏貽什如今何時節蟲虺亦已蟄
答

遲禮涉傲抱疾思加澀僕本胡爲者銜肩貢客集茫然
九州內譬如一錐立欺暗少此懷自明曾瀝泣量無趨
勇士誠欲戈矛戢原閣期躋攀潭舫偶俱入深齋竹木
合一作多畢夕風雨急俸利沐均分價稱煩噓喻百篇見刪
罷一命嗟未及滄浪愚將還知音激所習

投孟郊

月中有孤芳天下聆薰風江南有高唱海北初來通容
飄清冷餘自蘊襟抱中止息乃流溢推尋却冥濛我知

雪山子謁

一作渴

彼偈句空必竟獲所實爾焉遂深哀錄

之孤燈前猶恨百首終一吟動狂機萬疾辭頑躬生平

面未交永夕夢輒同敘詰

一作詩

誰君師詎言無吾宗余

求履其跡君曰可但攻啜波腸易

一作未

飽揖險神難從

前歲曾入洛差池阻從龍萍家復從

一作徙

趙雲思長縈

縈

一作嵩

嵩海

一作海剡

每可詣長途追再

一作艱

窮願傾肺腸

事盡入焦梧桐

代邊將

持戈簇邊日戰罷浮雲收露草泣寒霽夜泉鳴隴頭三
尺握中鐵氣衝星斗牛報國不拘貴憤將平虜雙

寄劉棲楚

趨走與偃臥去就自殊分當窗一重樹上有萬里雲離
披不相顧髣髴類人羣友生去更遠來書絕如焚蟬吟
我爲聽我歌蟬豈聞歲暮儻旋歸晤言桂氛氳

寄丘儒

地近輕數見地遠重一面一面如何重重甚珍寶片自

經失歡笑幾度騰霜霰此心鎮懸懸天象固一作迴轉
長安秋風高子在東甸縣儀形信寂茂風雨豈乖間憑
人報消息何易憑筆硯俱不盡我心終須對君宴

送陳商

古道長荆棘新岐路交橫君於荒榛中尋得古轍行足
踏聖人路貌端禪士形我曾接夜談似聽講一經聯翩
曾數舉昨登高第名釜底絕煙火曉行皇帝京上客遠
府遊主人須目一作明青雲別青山何日復可一作升

一作
并

送張校書季霞

從京去容州馬在船上多

一作
除

容州幾千里直傍青天

涯掌記試校書未稱高詞華義往

一作
枉

不可屈出家如

入家城市七月初熱與夏未差餞君到野地秋涼滿山

坡

一作
坨

南境異北候風起無塵沙秦吟宿楚澤海酒落

桂花暫醉即還醒彼土生桂茶

寄友人

同人半年別一別寂來音賴有別時文相思時一吟我
常倦投跡君亦知此衿筆硯且勿棄蘇張曾陸沈但存
舌在口當冀身遂心君看明月夜松桂寒森森

答王參

寸晷不相待四時互

一作
去

如競容思先覺秋蟲聲苦知

暝霜松積舊翠露月團

一作
圓

如鏡詩負屬景同琴孤坐

堂聽相期黃菊節別約紅桃徑每把式微篇臨風一長

詠

延康吟

寄居延壽里爲與延康鄰
不愛延康里愛此里中人人
非十年故人非九族親人
有不朽語得之煙山春

戲贈友人

一日不作詩心源如廢井
筆硯爲轆轤吟詠作縻

一作縻

綆朝來重汲引依舊得清泠
書贈同懷人詞中多苦辛

寓興

真集道方至貌殊妬還多
山泉入城池自然生渾波
今

時出古言在衆翻爲訛有琴含正韻知音者如何一生

足感激世言

一作顏

忽嗟峨不得市井味思響

一作向

吾巖

阿浮華豈我事日月徒蹉跎曠哉潁陽風千載無其他

懷鄭從志

西風吹陰雲

一作雪

雨雪

一作雲

半夜收忽憶天涯人起看

斗與牛故人別二年我意如百秋音信兩杳杳誰云昔

綢繆平明一封書寄向

一作來

東北舟

一作州

翩翩春歸鳥

會自爲匹儔

易州登龍興寺樓望郡北高峰

郡北最高峰，巉巖絕雲路。朝來上樓望，稍覺得幽趣。朦朧碧煙裏，群嶺若相附。何時一登陟，萬物皆下顧。

送鄭山人遊江湖

南遊衡嶽上，東往天台裏。足躡華頂峰，一作峰頂日觀滄海水。

就峰公宿

河出鳥宿後，螢火白露中。上人坐不倚，共我論量空。殘月華曖曖，遠水響玲瓏。爾時無了夢，一作寤茲宵方未窮。

劉景陽東齋

松陰連竹影中有蕪苔井清風此地多白日空自永景
陽公幹孫詩句得真景勸我不須歸月出東齋靜

對菊

九日不出門十日見黃菊灼灼尚繁英美人無消息

送集文上人遊方

來從道陵井雙木一作去求溪邊會分首芳草時遠意青天

外此遊詣幾嶽嵩華衡恒秦

題岸上人郡內閒居

靜向方寸求不居山

一作千

嶂幽池開菡萏香門閉莓苔

秋金玉重四句粃糠輕九流鑪煙上喬木鐘磬下危樓
手種一株松真心與師儔

遊子

遊子喜鄉遠非吾憶歸廬誰知奔他山自欲早旋車朝
賞暮已足圖歸願無餘當期附鵬翼未偶方躊躇

寄山中王參

我看嶽西雲君看嶽北月長懷燕城南相送十一作里

別別來十餘日日日憶不歇遠寄一紙書數字論白髮

送汲鵬

淮南臥理後復逢君姓汲文采非尋常志願期卓立深
江東泛舟夕陽眺原隰夏夜言詩會往往追不及

寄令狐相公

一作赴長
江道中

策杖一作馳山驛逢人問梓州長江那可一作到行客

替生愁

御定全唐詩卷五百七十一

謹案卷五百六十九第二十頁後三行韓信那慙
跨下羞刊本跨訛跨據史記改





總校官庶吉士 臣張能照

校對官檢討 臣蕭九成

膳錄監生 臣王元勛

膳錄監生 臣朱文佐

欽定四庫全書薈要

集部

欽定全唐詩卷五百七十二

三

詳校官原任主事_臣李斯咏

欽定四庫全書蒼要卷一萬七千九百七十七

集部

御定全唐詩卷五百七十二

賈島

哭柏巖和尚



石床新師曾占

一作吾師去

幾春寫留行道影焚却坐

禪身塔院闕松雪

一作路

經房鎖隙塵自嫌雙淚下不是

解空人

山中道士

頭髮梳千下休糧帶瘦容養雛成大

一作老

鶴種子作高

松白石通宵煮寒泉盡日春不曾離隱處那得世人逢

就可公宿

十里尋幽寺寒流數派分僧同雪夜坐鴈向草堂聞靜
語終燈焰餘生許嶠雲由來多抱疾聲不達明君

旅遊

此心非一事書札若爲傳舊國別多日故人無少年空
巢霜葉落疎牖水螢穿留得林僧宿中宵坐默然

送鄒明府遊靈武

曾宰西畿縣三年馬不肥債多平

一作憑

劍與官滿載書

歸邊雪藏行徑林風透臥衣靈州聽曉角客館未開扉
題皇甫荀藍田廳

任官經一年縣與玉峰連竹籠拾山果瓦瓶擔石泉客
歸秋雨後印鎖暮鐘前久別丹陽浦時時夢釣船

贈王將軍

宿衛爐煙近除書墨未乾馬曾金鏃中身有寶刀瘢父

子同時捷君王畫陣看何當爲外帥白日出長安

下第

一本有別
人二字

下第只

一作
惟

空囊

一作鬢
毛蒼

如何住

一作乘
回懸

帝鄉杏園啼

百舌誰醉在花傍

一作鶯聲寒食
後人醉曲江傍

淚落故山遠病來春

草長知音逢

一作
酬

豈易

一作豈
易別

孤棹負

一作
復

三湘

寄賀蘭朋吉

往往東林下花香似火焚故園從小別夜雨近秋聞野
菜連寒水枯株簇古墳泛舟同遠客尋寺入幽雲斜日

扉多掩荒田徑細分相思蟬幾處偶坐蝶成羣會宿曾
論道登高省議文苦吟遙可想邊葉向紛紛

憶吳處士

半夜長安雨燈前越客吟孤舟行一月萬水與千岑島
嶼夏雲起汀洲芳草深何當折松葉拂石刻溪陰

哭孟郊

身死一作沒聲名在多應萬古傳寡妻無子息破宅帶林

泉塚近登山道詩隨過海船故人相弔後斜日下寒天

送崔定

未知遊子意何不避炎蒸幾日到漢水新蟬鳴杜陵秋

江待得月夜語

一作話

恨無僧巴峽吟過否連天十二層

寄白閣默公

已知歸白閣山遠晚

一作曉

晴看石室人心靜冰潭月影

殘微雲分片滅古木落薪乾後

一作夜

夜誰聞

一作風飄

磬西

峰絕頂寒

雨後宿劉司馬池上

藍溪秋漱玉此地漲清澄
蘆葦聲兼雨芰荷香遶燈
岫頭秦古道亭面漢荒陵
靜想泉根本幽崖落幾層

送朱可久歸越中

石頭城下泊北固暝鐘初汀鷺潮衝

一作衝潮

起船窗月過

一作過月

虛吳山侵越衆隋柳入唐疎日欲躬調膳辟來何

府書

送田卓入華山

幽深足

一作入

暮蟬驚覺石床眠瀑布五千仞草堂瀑布

邊壇松涓滴露嶽月沈寥天鶴過君須看上頭應有仙
送董正字常州覲省

相逐一行鴻何時出磧中江流翻白浪木葉落青楓輕
檝浮吳國繁霜下楚空春來懽侍阻正字在東宮

酬姚少府

梅一作海樹與山木俱應搖落初柴門掩寒雨蟲響出秋

蔬枯槁彰清鏡孱愚友道書刊文非不朽君子自相於

送無可上人

圭峰霽色新送此草堂人麈尾同離寺蛩鳴暫別親

一作

素獨行潭底影數息樹邊身終有煙霞約天台作近鄰

送李騎曹

一作
曹

歸騎雙旌遠權生此別中蕭關分磧路嘶馬背寒鴻朔

色晴天北河源落日東賀蘭山頂草時動捲帆

一作
旂

風

送烏行中

一本有
還字

石淙

一作
琮

別業

寒水長繩汲丁冷數滴翻草通石淙脈硯帶海潮痕嶽

色何曾遠蟬聲尚未繁勞思當此夕苗稼在西原

送覺興上人歸中條山兼謁河中李司空

又憶西巖寺秦原草白時山尋樵徑上人到雪房遲暮

磬

一作
磬

潭泉凍荒林野燒

一作
火

移聞師新譯偈說擬對

旌麾

寄無可上人

僻寺多高樹涼天憶重遊磬過溝水盡月入草堂秋穴
蟻苔痕靜藏蟬柏葉稠名山思徧往早晚到嵩丘

南池

蕭條微雨絕荒岸抱清源入舫山侵塞分泉稻

一作道

接

村秋聲依樹色月影在蒲根淹泊方難遂他宵闕夢魂

寄龍池寺真空二上人

受請終南住俱妨去石橋林中秋信絕峰頂夜禪遙寒
草煙藏虎高松月照鷗霜天期到寺寺置即前朝

送真空二上人

林下中餐後天涯欲去時衡陽過有伴夢澤出應遲石
磬疎寒韻銅瓶結夜澌殷勤訝此別且未定歸期

送裴校書

拜官從祕省署職在藩維多故長疎索高秋遠別離天
寒泗上醉夜靜岳陽暮使府臨南海帆飛到不遲

昇道

一作丹陽

精舍南臺對月寄姚合

月向南臺見秋霖洗滌餘出逢危葉落靜看

一作益

衆峰

疎冷露常

一作尋

時有禪窗此夜虛相思聊悵望潤氣徧

衣初

一作裾

即事

索莫對孤

一作寒

燈陰雲積幾層自嗟憐

一作隣

十上誰肯

待三徵心被通人見文叨大匠稱悲秋秦塞草懷古漢

家陵城靜高崖樹漏多幽沼冰過聲沙鳥鷺絕行石菴

僧豈謂

一作爲

舊廬在誰言歸未曾

黃子陂上韓吏部

石樓云

一作雲

一別二十二三春相逐升堂者幾爲埋骨

人涕流聞度

一作染

瘴病起喜

一作賀

還秦曾是令

一作今

勤

道非惟卹在迤踈衣蕉縷細爽味茗芽新鐘絕滴殘雨

螢多無近鄰溪潭承到數位秩見辭頻若箇山招一作中

隱機忘任此身

投李益

四十歸燕字千十一作年外始吟已將書北嶽不用比南

金

弔孟協律

才行古人齊生前品位低葬時貧賣馬遠一作逝日哭惟

妻孤塚北邙外空齋中嶽西集詩應萬首物象徧曾題

送人適越

高城滿夕陽何事欲霑裳
遷客蓬蒿暮遊人道路長
晴湖勝鏡碧寒柳似金黃
若有相思夢殷勤載八行

送僧遊衡嶽

心知衡嶽路不怕去人稀
船裏猶鳴磬溪頭自曝衣
有家從小別無寺不言歸
料得逢寒住當禪雪滿扉

送路

一本有某
從軍三字

別我就蓬蒿日斜飛伯勞
龍門流水急嵩岳片雲高
歎

命無知已梳頭落白毛從軍當此去風起廣陵濤

洛陽道中寄弟

趨走迫流年慙經此路

一作地

偏密雲埋二室積雪度三

川生類梗萍泛悲無金石堅翻鴻有歸翼極目仰聯翩

登江亭晚望

浩渺浸雲根煙嵐沒遠村鳥歸沙有跡帆過浪無痕望
水知柔性看山欲倦魂縱情猶未已迴馬欲黃昏

送耿處士

一瓶離別酒未盡即言行萬水千山路孤舟幾月程川
原秋色靜蘆葦晚風鳴迢遞不歸客人傳虛隱名

過唐校書書齋

池滿風吹竹時時得爽神聲齊雛鳥語畫卷老僧真月
出行幾步花開到四鄰江湖心自切未可挂頭巾

送杜秀才東遊

東遊誰見待盡室寄長安別後一作夜葉頻落去程一作登途

山已寒大河風色度曠野燒烟殘匣有青銅鏡時將照鬢

看

送天台僧

遠夢歸華頂扁舟背岳陽寒蔬修淨食夜浪動禪床鴈

過孤峰曉

一作晚

猿啼一樹霜身心無別念餘習在詩

一作

文章

懷紫閣隱者

寂寥思隱者孤燭坐秋霖梨栗猿喜熟雲山僧說深寄

書應不到結伴擬同尋廢寢方終夕迢迢

一作沈沈

紫閣心

雨夜同厲玄懷皇甫荀

桐竹遠庭匝雨多風更吹還如舊山夜臥聽瀑泉時磧
鴈來期近秋鐘到夢遲溝西吟苦客中夕話兼思

秋暮

北門楊柳葉不覺已繽紛值鶴因臨水迎僧忽背雲白
鬚相並出清一作暗淚兩行分默默空朝夕苦吟誰喜聞

哭胡遇

天壽知齊理何曾免歎嗟祭迴一作葬時收朔雪吊後一作罷

折寒花野水秋吟

一作吟秋

斷空山暮影

一作影暮

斜弟兄相識

徧猶

一作那

得到

一作見

君家

送丹師歸閩中

波濤路杳然衰柳洛陽蟬行李經雷電禪前漱島泉歸
林久別寺過越未離船自說從今去身應老海邊

送安南惟鑒法師

講經春殿裏花繞御牀飛南海幾迴渡

一作過

舊山臨老

歸潮搖蠻草落月溼島松微

一作觸風香損
印雲雨磬生衣

空水既如

彼

一作雲水
路迢遞

往來消息稀

題李凝幽居

閒居少鄰並草徑入荒園鳥宿池邊

一作中

樹僧敲月下

門過橋分野色移石動雲根暫去還來此幽期不負言

送韓湘

挂席從古

一作中

路長風起廣津楚城花未發上苑蝶來

新半沒湖波月初生島草春孤霞臨石鏡極浦映村神
細響吟乾葦餘馨動遠蘋欲憑將一札寄與沃洲人

寄董武

雖同一城裏少省得從容門掩園林僻日高中幘慵孤
鴻來半夜積雪在諸峰正憶毘陵客聲聲隔水鐘

宿贛上人房

堦前多是竹閒地擬栽松朱點草書疏雪平麻履蹤御
溝寒夜雨宮寺靜時鐘此時一作空無他事來尋一作多不

厭重

訪李甘原居

原西居處靜門對曲江開石縫銜枯草查根上淨

一作
清古

苔翠微泉夜落紫閣鳥時來仍憶尋淇岸同行採蕨回

題山寺井

沈沈百尺餘功就豈斯須汲早僧出定鑿新蟲自無藏
源重嶂底澄翳大空隅此地如經劫涼潭會共枯

僻居無可上人相訪

自從居此地少有事相關積雨荒鄰圃秋池照遠山硯
中枯葉落枕上斷雲間野客將禪子依依偏往還

送李餘及第歸蜀

知音伸久屈，覲省去光輝。
津渡逢清夜，途程盡翠微。
雲當綿竹疊，鳥離錦江飛。
肯寄書來否，原居出亦一作甚稀。

荒齋

草合徑微微，終南對掩扉。
晚涼疎雨絕，初曉遠山一作蟬。

稀落葉無青地，間身著白衣。
朴愚一作由猶一作本性不是學。

忘機

夜喜賀蘭三見訪

漏鐘仍夜淺時節欲秋分
泉聒棲松鶴風除翳月雲
踏苔行引興枕石臥論文
即此尋常靜來多祇是君

題青龍寺鏡公房

一夕曾留宿終南搖落時
孤燈罔一作龕舍掩殘磬雪風

吹樹老因寒折泉深出井遲
疎慵豈有事多失上方期

送陳判官赴綏一作天德

將軍邀入幕束帶便離家
身暖蕉衣窄天寒磧日斜
火

燒罔斷葦一作草風卷雪平一作和沙絲竹豐州有春來祇

欠花

送唐環歸敷水莊

毛女峰當戶日高頭未梳地侵山影掃葉帶露痕書松

徑僧尋藥一作廟沙泉鶴見魚一川風景好一作人境別恨不

有吾廬

原東居喜唐溫琪頻至

曲江春草生紫閣雪分明汲井嘗泉味聽鐘問寺名墨
研秋日雨茶試老僧鐺地近勞頻訪烏紗出送迎

送馱法師

度歲不相見嚴冬始

一作知

出關孤煙寒色樹高雪夕陽

山瀑布寺應到牡丹房甚閒

一作寒

南朝遺跡在此去幾

時還

寄錢庶子

曲江春水滿北岸掩

一作枕

柴關祇有僧鄰舍全無物映

山樹陰終日掃藥債

一作詩價

隔年還猶記聽琴夜寒燈竹

屋間

原上秋居

關西

一作山

又落木心事復如何歲月辭山久秋霖入夜

多鳥從井口出人自洛

一作岳

陽過倚杖聊閒望田家未

翦未

夏夜

原寺偏鄰近開門物景澄磬通多葉罅月離片雲稜寄
宿山中鳥相尋海畔僧唯愁秋色至乍可在炎蒸

冬夜

羈旅復經冬，瓢空盍亦空。
淚流寒枕上，跡絕舊山

一作漢

中凌結浮萍，水雪和衰柳。
風曙光雞未報，嘹唳兩三鴻。

送厲宗上人

擁策背岷峨，終南雨雪和。
漱泉秋鶴至，禪樹夜猿過。
高頂白雲盡，前山黃葉多。
曾吟廬嶽上月，動九江波。

寄李存穆

聞道船中病，似憂親弟兄。
信來從水路，身去到柴城。
久別長鬚鬢，鬢相思。書姓名
忽然消息絕，頻夢却還京。

贈無懷禪師

身從劫劫修果以此生周禪定石床暖月移山樹秋捧
孟觀宿飯敲磬過清流不掩玄關路教人問白一作頭

寄武功姚主簿

居枕江沱北情懸渭曲西數宵曾夢見幾處得書披驛
路穿荒坂公田帶淤泥靜慕功奧妙閒作韻清淒鋤草
留叢藥尋山上石梯客迴河水漲風起夕陽低空地苔
連井孤村火隔溪卷簾黃葉落鎖印子規啼隴色澄秋

月邊聲入戰鼓會須過縣去况是屢招攜

題劉華書齋

白石床無塵青松樹

一作
耕

有鱗一鶯啼帶雨兩樹合

一作

各從春荒榭苔膠砌幽叢果墮榛偶來疎或數當暑夕

勝晨露滴星河水巢重草木薪終南同往意趙北獨遊

身渡葉司天漏驚蛩遠地人機清公幹族

一作疾

也莫臥

漳濱

送盧秀才遊潞府

雨餘滋潤在風不起塵沙邊日寡文思送君吟月華過

山干相府臨水宿僧家能賦馮長屈芳一作春宴杏花

送南康姚明府

銅章美少年小邑在南天版籍多遷客封疆接洞田靜
江鳴野鼓發纜帶村煙却笑陶元亮何須憶醉眠

送友人棄官遊江左

羨君休作尉萬事且全身寰海多虞日江湖獨往人姓
名何處變鷗鳥幾時親別後吳中使應須訪子真

雨中懷友人

對雨思君子嘗茶近竹幽
儒家鄰古寺不到又逢秋

寄遠

家住錦水上身征遼海邊
十書九不到一到忽經年

南齋

獨自南齋臥神閒景亦空
有山來枕上無事到心中
簾卷侵床月屏遮入座風
望春春未至應在海門東

早春題友人湖上新居二首

一作項斯詩

近得雲中路

一作看

門長侵早開到時猶有雪行處已無

苔勸酒客初醉留茶僧未來每逢晴暖日惟見乞花栽

門不當官道行人到亦稀故從餐後出多是夜深歸開

篋收詩卷掃牀移臥衣幾時同買宅相送

一作近

有柴扉

送雍陶入蜀

江山事若諳那肯滯雲南草色分危磴杉陰近古潭日
斜褒谷鳥夏淺雋州蠶吾自疑雙鬢相逢更不堪

張郎中過原東居

年長惟添嬾經旬止掩關高人餐藥後下馬此林間對
坐天將暮同來客亦閒幾時能重至水味似深山

荅王建

一本無
建字

祕書

人皆聞蟋蟀我獨恨

一作
歎

蹉跎白髮無心鑷青山去意

多信來漳浦岼期負洞庭波時掃高槐影朝迴或恐過

送李餘往湖南

昔去候溫涼秋山滿楚鄉今來從辟命春物徧涑陽岳
石挂海雪野楓堆渚檣若尋吾祖宅寂寞在瀟湘

偶作

野步隨吾意那知是與非
稔年時雨足閏月暮蟬稀
獨樹依岡老遙峰出草微
園林自有主宿鳥且同歸

過雍秀才居

夏木鳥巢邊終南嶺色鮮
就涼安坐石煮茗汲鄰泉
鐘遠清霄半蛸稀暑雨前
幽齋如葺罷約我一來眠

寄顧非熊

知君歸有處山水亦難齊
猶去瀟湘遠不聞猿狖啼
穴

通茆嶺下潮滿石頭

一作城

西獨立生遙思秋原日漸低

送神邈法師

柳絮落濛濛西州道路中相逢

一作留

春忽盡獨去講初

終行疾遙山雨眠遲後夜風繞房三兩樹迴日

一作去

葉

應紅

送慈恩寺霄韻法師謁太原李司空

何故謁司空雲山知幾重磧遙來鴈盡雪急去僧逢清

磬先寒角禪燈徹曉峰

一作峰

舊房間片石倚著最高松

送知興上人

久住巴興寺如今始拂衣欲臨秋水別不向故園

一作山

歸錫挂天涯樹房開

一作闕

嶽頂扉下看千

一作萬

里曉霜

海日生微

送惠雅法師歸玉泉

祇到

一作向

瀟湘水洞庭湖未遊飲泉看月別下峽聽猿

愁

一作浮

講不停雷雨吟當

一作曾

近海流降霜歸楚夕星

冷玉泉秋

憶江上吳處士

閩國揚帆去蟾蜍虧

一作還

復團秋風生渭水落葉滿長

安此地聚會夕當時雷雨寒蘭橈殊未返消息海雲端

題張

章一作

博士新居

青楓何不種林在洞庭村應爲三湘遠難移萬里根斗

牛初過伏菑菑欲香門

一作斗移亭北
榭蓮照水邊門

舊即湖山隱新

廬葺此原

石

一作百

門陂留辭從叔暮

幽鳥飛不遠此行千里間寒衝陂水霧醉下菊花山有
恥長爲客無成又入關何時臨澗柳吾黨共來攀

送朱兵曹迴越

星彩練中見澄江豈有泥潮生垂釣罷楚盡去檣西磧
鳥辭沙至山鶻隔水啼會稽半侵海濤白禹祠溪

懷博陵故人

孤城易水頭不忘舊交遊雪壓圍碁石風吹飲酒樓路
遙千萬里人別十三秋吟苦相思處天寒水急流

夕思

秋宵已難曙漏向二更分我憶山水坐蟲當寂寞聞洞
庭風落木天姥月離雲會自東浮去將何欲致君

寄河中楊少尹

非惟咎曩時投刺詣門遲悵望三秋後參差萬里期
留疏鑿跡舜在寂寥祠此到一作致杳難共迴風逐所思

孟融逸人

孟君臨水居不食水中魚衣褐唯麤帛筐箱祇素書樹

林幽鳥戀世界此心疎擬棹孤舟去何峰又結廬

晚晴見終南諸峰

秦分

一作下

積多峰連巴勢不窮半旬藏雨裏此日到窗

中圓魄將昇兔高空

一作虛

欲叫鴻故山思不見碣石沈

寥東

宿池上

泉來從絕壑亭敞在中流竹密無空岸松長可絆舟
蟪

蛄潭上夜河漢島前秋異夕

一作日

期深漲攜琴却此遊

喜姚郎中自杭州迴

路多楓樹林累日泊清陰來去泛流水翛然適此心一
披江上作三起月中吟東省期司諫雲門悔不尋

送鄭長史之嶺南

一本題作
送鄭史

雲林頗重疊岑渚復幽奇汨水斜陽岸騷人正則祠蒼
梧多蟋蟀白露溼江蘼擢第榮南去晨昏近九疑

送李溟謁宥州李權使君

英雄典宥州迢遞苦吟遊風宿驪山下月斜灞水流去

時初落葉回日定非

一作無

秋太守攜才子看鵬百尺樓

永福湖和楊鄭州

積水還平岸春來引鄭溪
舊渠通郭下新堰絕湖西
嵩少分明對瀟湘濶狹齊
客遊隨庶子孤嶼草萋萋

題長江

一本有廳字

言心俱好靜解署落暉空
歸吏封宵鑰行蛇入古桐
長江頻雨後明月衆星中
若任遷人去西溪

一作

與剡通

泥陽館

客愁何併起暮送故人回廢館秋螢出空城寒雨來夕
陽飄白露樹影掃青苔獨坐離容慘孤燈照不開

送徐員外赴河中

原野正蕭瑟中間分散情吏從甘扈罷詔許朔方行邊
日一作月沈殘角河關截夜城雲居閑獨往長老出房迎

送賀蘭上人

野僧來別我略坐傍泉沙遠道擎空鉢深山蹋落花無
師禪自解有格句堪誇此去非緣事孤雲不定家

御定全唐詩卷五百七十二